

近代中國史料叢刊第十八輯
沈雲龍主編

錢敏肅公（調甫）奏疏

錢鼎銘著

文海出版社印行

金 奏
與 奏
與 奏


10/90/12

光緒元年五月二十九
日內閣奉

上諭河南巡撫錢鼎銘由部
曹洊擢封圻自到河南以
來辦事實心克稱厥職前

因患病請假調理當經賞
假一月茲聞溘逝悼惜殊
深錢鼎銘著照巡撫例賜
卹任內一切處分悉予開
復應得卹典該衙門察例

具奏伊子內閣中書錢溯
者著加恩賞給主事生員
錢溯時著加恩賞給舉人
服闋後准其一體會試用
示篤念蓋臣至意欽此




上

光緒元年七月二十六
日內閣奉

諭曾國荃奏已故大員政
績卓著請將事實宣付史
館一摺已故河南巡撫錢

鼎銘前在江蘇原籍辦理
團防並隨同李鴻章勦辦
賊匪料理糧餉事宜諸臻
妥協嗣歷官直隸河南於
吏治民生均能盡心籌辦

洵屬遺愛在民著照所請
即將該故撫事蹟宣付國
史館立傳以彰忠蓋欽此




上

光緒二年十一月二十
日內閣奉

諭沈葆楨吳元炳奏已故
巡撫有功原籍請予諡建
祠一摺已故河南巡撫錢

鼎銘政績懋昭業經降旨
賜卹並宣付國史館立傳
茲據該督等奏稱該故撫
前在本籍辦理團練有功
桑梓著准其於江蘇太倉

州原籍捐建專祠至其由
上海前赴安慶軍營請援
籌餉濟師功績尤著並破
格加恩准其子謚以示優
異該部知道欽此



諭賜祭文


皇帝諭賜原任河南巡撫錢
鼎銘之靈曰鞠躬盡瘁臣
子之芳蹤賜恤報勤國家
之盛典惟開府懋昭夫政

績斯飾終宜薦以馨香爾
原任河南巡撫錢鼎銘性
行純良才猷通敏賢書領
薦教鐸宣勤旋司筭算於
農曹更佐軍籌於吳會鸞

綸迭沛用酬轉餉之功豸
繡榮膺遂掌明刑之職備
屏藩於畿輔教養兼施移
節鉞於中州恩威並濟眷
隆專閩方冀遐齡感切騎

箕忽聞溘逝覽遺章而悼
惜崇祀事以褒揚念篤蓋
臣賞延後嗣更頒祭葬以
慰幽靈於戲寵錫重壚庶
沐匪躬之報名垂青史聿

昭不朽之榮爾如有知尚
克歆享



御賜碑文

朕惟封疆

之臣冊府

之典眷成


中州表偉

崇碣爾原任河南巡撫錢
鼎銘品行端方才猷峻卓
早膺鄉薦振木鐸於海濱
旋佐度支校版圖於農部
不愧治平之目超擢監司

無慚弼教之風時陳臬事
迨開藩於畿輔職效旬宣
宜建節於河陽威資鎮撫
時則瘡痍未復俟休養以
生全爾迺教養兼施洵實

心而任事方冀燾牙風振
倚畀惟隆何期箕尾星騎
淪殂遽告覽遺章而軫悼
沛卹典以褒崇旣酌椒漿
更頒芝檢諡為敏肅禮備

哀榮於戲青史騰聲闡澤
欽承鳳綉丹珉絢采祥雲
永護螭碑



175

國史館列傳

錢鼎銘江蘇太倉直隸州人父寶琛湖北巡撫自有傳鼎銘道光二十六年舉人三十年考取景山官學教習咸豐三年大挑二等以教職用時粵匪洪秀泉等竄據江甯等府

上命寶琛辦理本籍團練事宜鼎銘隨同襄辦尋上海匪徒劉麗川作亂青浦奸民周立春相繼起陷嘉定鼎銘與嘉定舉人吳林募勇隨官軍復其城擒周立春誅之敘功歸本班遇缺即選四年選贛榆縣訓導六年捐升主事分戶部九年丁父憂十年江

欽差大臣

甯踞賊分竄陷常州蘇州松江太倉各郡縣蔓延及浙江杭嘉湖等府江蘇巡撫薛煥趨保上海時

不通鼎銘建議謂宜移上游之兵取建瓴之勢適團練大臣龐鍾璐等議乞援於楚軍無敢應者鼎銘請以身任遂乘番舶溯江而上兩岸賊卡林立礮子洞船腹鼎銘不為動徑達曾國藩軍營陳東南百姓沾危狀且言上海中外互市要地百貨駢集榷稅所入足餉數萬人若棄之資賊則東南無轉機矣往復數千言繼以痛哭曾國藩亦為泣下

遂許濟師先是薛煥遣將入楚募勇一萬二千人已在途矣曾國藩以所募之勇皆各營所汰不可用至是令鼎銘迎軍截散之鼎銘馳風雪中遇諸漢口簡精壯九百人餘衆悉遣歸無譁者鼎銘還上海與龐鍾璐等議以洋艦潛師疾濟即日籌餉銀十八萬兩僦輪船五艘親率赴皖時曾國藩奏令按察使李鴻章統淮軍五千人援上海同治元年三月鼎銘迎軍東下五月李鴻章署江蘇巡撫奏調鼎銘隨營差委

詔如所請閏八月淮軍勦賊破之以功擢直隸州知州並

賞戴花翎二年以克復嘉定金山奉賢川沙南匯五城經

李鴻章疏請獎勵

命以知府分發省分補用三年七月官軍奪楓涇西塘八月克江陰燬寶帶橋賊壘遂復蘇州十一月克無錫金匱並浙江嘉善平湖乍浦海鹽各城拔平望鎮解奔牛之圍鼎銘俱有功得

旨以道員分發省分儘先補用三年克常州宜興荆溪及浙江嘉興府城

賞按察使銜並

賞給二品封典五年八月加布政使銜時粵匪蕩平李鴻

章移淮軍北剿捻逆檄鼎銘駐清江浦轉運糧仗
鼎銘常覘賊所嚮先期儲糗芻寄頓圩寨以供軍
用初

上命各省督撫留心查訪有盡心民事政績可紀者臚列
事實具奏至是署兩江總督李鴻章以鼎銘應疏
稱其操行貞篤條理精密同治元年來皖乞師首
定援滬之策隨軍攻剿籌備軍需始終無誤上年
委辦勦捻各軍糧餉軍火通籌全局緩急得宜調
和軍民輿情翕服實屬久歷艱苦最為出力之員
疏入

命軍機處記名六年檢首賴汶洗自山東敗竄連防戒嚴

鼎銘馳商提督黃翼升等分軍扼勦擒其渠江北次第肅清七年七月漕運總督張之萬奏言鼎銘識量淵懿議論宏通於營務地方利弊言之鑿鑿上年初建分扼六塘之議客軍心志不齊難與言守鼎銘設法聯絡實力贊成軍火餉需轉輸不絕各營無匱乏之憂防局因之益固迨賴逆突過六塘鼎銘隨同守運勞瘁不辭嗣辦理支應征軍及安插降衆諸事措置裕如實屬調度有方才堪濟變為司道中不可多得之員得